



"ՍՕՍ-ԱՈՒԴԻՏ" ՍՊԸ

"SOS-AUDIT" LTD

ԱՆԿԱՆ ԱՈՒԴԻՏՈՐԱԿԱՆ ԵԶՐԱԿԱՑՈՒԹՅՈՒՆ № 36

*Հայաստանի սոցիալական ներդրումների հիմնադրամի
2014թ. դեկտեմբերի 31-ի դրությամբ հաշվեփակված տարվա
ֆինանսական հաշվետվությունների վերաբերյալ*

Ներկայացվում է Հայաստանի սոցիալական ներդրումների հիմնադրամի
ղեկավարությանը

Մեր կողմից իրականացվել է Հայաստանի սոցիալական ներդրումների հիմնադրամի (այսուհետ՝ ՀՄՆՀ) կից ֆինանսական հաշվետվությունների աուդիտ, որոնք ներառում են 2014թ. դեկտեմբերի 31-ի դրությամբ ֆինանսական վիճակի մասին, նույն ամսաթվին ավարտվող տարվա համապարփակ ֆինանսական արդյունքների, կապիտալում փոփոխությունների և դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից հաշվապահական հաշվառման քաղաքականության ամփոփը և այլ ծանոթագրություններ:

Ղեկավարության պատասխանատվությունը ֆինանսական հաշվետվությունների համար

ՀՄՆՀ-ի ղեկավարությունը պատասխանատու է ֆինանսական հաշվետվությունների Միջազգային Ստանդարտների համաձայն ֆինանսական հաշվետվությունների պատրաստման և ճշմարիտ ներկայացման համար: Այդ նպատակով ղեկավարությունը սահմանում է անհրաժեշտ վերահսկողության համակարգ, որը թույլ է տալիս պատրաստել ֆինանսական հաշվետվություններ, որոնք զերծ են խարդախության կամ սխալի արդյունքում էական խեղաթյուրումից:

Աուդիտորի պատասխանատվությունը

Մենք պատասխանատու ենք Աուդիտի Միջազգային Ստանդարտներին համապատասխան մեր կողմից իրականացված աուդիտի հիման վրա նշված ֆինանսական հաշվետվությունների վերաբերյալ մեր արտահայտած կարծիքի համար: Այդ ստանդարտներով պահանջվում է պահպանել վարկեցողության կանոնները և աուդիտը պլանավորել ու անցկացնել՝ ֆինանսական հաշվետվությունների էական խեղաթյուրումներից զերծ լինելու վերաբերյալ ողջամիտ երաշխիքներ ձեռք բերելու նպատակով:

Աուդիտորական աշխատանքները ներառում են ֆինանսական հաշվետվություններում ու համապատասխան ծանոթագրություններում արտացոլված տվյալները հիմնավորող փաստերի ձեռքբերման նպատակով մշակված ընթացակարգեր, որոնց ընտրությունը կախված է խարդախությունների և սխալների հետևանքով ֆինանսական հաշվետվություններում էական խեղաթյուրումների ռիսկերի առկայության վերաբերյալ աուդիտորական գնահատումներից:

Քրոու Հորվաթ Բիզնես Ալյանսի Ասոցիացված Անդամ



"ՍՕՍ-ԱՌԻԴԻՏ" ՍՊԸ

"SOS-AUDIT" LTD

Ռիսկերի գնահատումները կատարելիս՝ աուդիտորը մշակում է համապատասխան ընթացակարգեր՝ ֆինանսական հաշվետվությունների կազմման և ճշմարիտ ներկայացման համար կիրառվող ներքին վերահսկողության գնահատման և ոչ՝ հիմնադրամի ողջ ներքին վերահսկողության արդյունավետության վերաբերյալ կարծիք կազմելու համար: Աուդիտորական աշխատանքները ներառում են նաև կիրառված հաշվապահական հաշվառման սկզբունքների և ղեկավարության կողմից կատարված գնահատումների, ինչպես նաև ֆինանսական հաշվետվությունների ընդհանուր ներկայացման գնահատումը:

Մենք համոզված ենք, որ ձեռք ենք բերել բավականաչափ համապատասխան աուդիտորական ապացույցներ մեր կարծիքն արտահայտելու համար:

Կարծիք

Մեր կարծիքով, կից ֆինանսական հաշվետվությունները բոլոր էական առումներով ճշմարիտ են ներկայացնում 2014թ. դեկտեմբերի 31-ի դրությամբ Հայաստանի սոցիալական ներդրումների հիմնադրամի ֆինանսական վիճակը, այդ ամսաթվին ավարտվող տարվա համապարփակ ֆինանսական արդյունքները և դրամական հոսքերը՝ համաձայն ֆինանսական Հաշվետվությունների Միջազգային Ստանդարտների:

Հանգամանքների լուսաբանում

Առանց ձևափոխելու մեր կարծիքը՝ Ձեր ուշադրությունն ենք հրավիրում հատուկ նպատակների ֆինանսական հաշվետվություններին կից ծնթ. 13.1-ի վրա, որտեղ բացահայտված է, որ սկսած 2015թ.-ի ապրիլի 1-ից ՀՄՀ-ն կվերանվանվի «Հայկական տարածքային զարգացման հիմնադրամ» (ՀՏՀՀ)՝ շարունակելով իրականացնել ՀԲ-ի և այլ դոնորների կողմից ֆինանսավորվող ծրագրերը՝ նպատակ ունենալով բարձրացնել սոցիալական և տնտեսական ենթակառուցվածքների որակն ու հասանելիությունը:

ՍՕՍ-Աուդիտ ՍՊԸ
31 մարտի, 2015թ.



Մանվել Ղազարյան
Տնօրեն

Գնել Խաչատրյան, FCCA
Աուդիտոր

Քրոու Հորվաթ Բիզնես Ալյանսի Ասոցիացված Անդամ